



Broj: 07-14-619/18  
Vogošća, 23.04.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.04.2018. godine donio je

**ODLUKU  
O IZBORU NAJPOVOLJNIJEG PONUĐAČA ZA PRUŽANJE USLUGE NABAVKE I  
POSTAVLJANJA TABLI SA KUĆNIM BROJEVIMA I NAZIVIMA ULICA, OGLASNIH PLOČA I  
TABLI UPOZORENJA NA PODRUČJU OPĆINE VOGOŠĆA**

**Član 1.**

Ponuda ponuđača "Buljan ceste" d.o.o Kreševo, ulica Troska b.b. Kreševo, odabrana je za pružanje usluge nabavke i postavljanja tabli sa kućnim brojevima i nazivima ulica, oglasnih ploča i tabli upozorenja na području općine Vogošća, kao jedina formalno-pravno prihvatljiva ponuda, po kriteriju najniže cijene, sa ukupnom cijenom nabavke u iznosu od 51.000,00 KM bez uračunatog PDV-a, odnosno 59.670,00 KM sa uračunatim PDV-om.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 28.03.2018. godine donio Odluku o pokretanju Otvorenog postupka nabavke i postavljanja tabli sa kućnim brojevima i nazivima ulica, oglasnih ploča i tabli upozorenja na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 30.03.2018. godine pod brojem: 1353-1-2-52-3-29/18.

Sažetak Obavještenja o nabavci objavljen je u "Službenom glasniku BiH" broj: 21/18 od 06.04.2018. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za prijem ponuda je bio 16.04.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 16.04.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-619/18 iz marta 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Savico" d.o.o. Sarajevo	43.358,00	/	/	50.728,86
2	"Buljan ceste" d.o.o Kreševo	51.000,00	/	/	59.670,00
3	"Neonlux" d.o.o. Vogošća	78.147,99	/	/	91.433,14

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda ponuđača "Savico" d.o.o. Sarajevo, ne ispunjava formalno-pravne uslove tražene Tenderskom dokumentacijom i to:
  - Tačkom 7.2.1. TD, a u skladu sa članom 46. Zakona traženo je da se uz ponudu dostavi dokaz o registraciji u odgovarajućem profesionalnom ili drugom registru u zemlji u kojoj je ponuđač registrovan ili da se obezbijede posebne izjave ili potvrde nadležnog organa kojom se dokazuje pravo ponuđača da obavlja profesionalnu djelatnost, koja je u vezi sa predmetom nabavke. Dokazi koji su traženi moraju biti originali ili ovjerene kopije.

Ponuđač "Savico" d.o.o. Sarajevo je u svojoj ponudi (strana 7-9 ponude) dostavio Aktuelni izvod iz sudskog registra koji nije ovjeren od strane nadležnog organa na ispravan način. Ovjerena je samo zadnja strana Izvoda, a obzirom da se isti sastoji od 4 stranice bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

- Tačkom 7.3.2. TD, a u skladu sa članom 47. Zakona propisano je da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu Izjave na obrascu ponuđača o ostvarenom prometu pružanja usluga, koji su u vezi sa predmetnom nabavkom u posljednje 3 (tri) finansijske godine ili od datuma registracije, odnosno početka poslovanja u predmetnom segmentu, ako je ponuđač registrovan, odnosno počeo sa radom prije manje od tri godine.

Ponuđač "Savico" d.o.o. Sarajevo u svojoj ponudi nije dostavio izjavu traženu TD.

- Tačkom 7.4.1. TD, a u skladu sa članom 50. Zakona propisano je da je ponuđač/kandidat dužan imati na raspolaganju 5 (pet) radnika koji će raditi na pružanju usluga koje su predmet nabavke, od toga 1 KV električar i 1 KV bravar.  
Kao dokazi tačkom 7.4.2. TD pod b) traženo je da se dostave dokazi o radnom angažmanu za 5 (pet) radnika koji će raditi na pružanju usluga koje su predmet nabavke, a koji mogu biti Izvodi iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, Potvrde-uvjerenja izdata od strane poslodavca, Ugovori o djelu, Ugovori o poslovno tehničkoj saradnji, shodno tački 7.4.1 b)., kao i diplome/svjedočanstva o završenoj stručnoj spremi za 2 KV radnika ( 1 KV električar i 1 KV bravar).

Ponuđač "Savico" d.o.o. Sarajevo nije dostavio tražene diplome/svjedočanstva o završenoj stručnoj spremi za 2 KV radnika (1 KV električar i 1 KV bravar).

- Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj: 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Neonlux" d.o.o. Vogošća, ne ispunjava formalno-pravne uslove tražene Tenderskom dokumentacijom i to:

- Tačkom 7.3.2. TD, a u skladu sa članom 47. Zakona propisano je da će se ocjena ekonomske i finansijske sposobnosti pored izjave iz Aneksa 5. TD koju su ponuđači dužni dostaviti u svojoj ponudi vršiti i na osnovu Izvještaja Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja obavještenja o javnoj nabavci.

Ponuđač "Neonlux" d.o.o. Vogošća u svojoj ponudi nije dostavio Izvještaja Centralne banke BiH da račun/i ponuđača nisu blokirani u zadnjih 90 (devedeset) dana-računajući od dana objavljivanja obavještenja o javnoj nabavci.

- Tačkom 7.4.1. TD pod a) traženo je da je ponuđač u posljednje 3 (tri) godine računajući od dana podnošenja ponude, kao glavni pružalac usluga uspješno realizovao minimalno tri usluge/ugovora čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 20.000,00 KM bez PDV-a.  
Kao dokazi Tačkom 7.4.2. TD pod a) traženo je da se u svrhu dokazivanja ispunjenja uslova iz tačke 7.4.1. dostavi spisak izvršenih ugovora u ukupnom iznosu od 20.000,00 KM bez PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od strane krajnjeg korisnika u skladu sa članom 48. stav 2. Zakona.

Ponuđač "Neonlux" d.o.o. Vogošća je u svojoj ponudi dostavio spisak izvršenih Ugovora, ali uz referenc listu nisu dostavljene tražene potvrde o izvršenim ugovorima od strane krajnjeg korisnika u skladu sa članom 48. stav 2. Zakona.

- Tačkom 7.4.1. TD, a u skladu sa članom 50. Zakona propisano je da je ponuđač/kandidat dužan imati na raspolaganju 5 (pet) radnika koji će raditi na pružanju usluga koje su predmet nabavke, od toga 1 KV električar i 1 KV bravar.  
Kao dokazi tačkom 7.4.2. pod b) traženo je da se dostave dokazi o radnom angažmanu za 5 (pet) radnika koji će raditi na pružanju usluga koje su predmet nabavke, a koji mogu biti Izvodi iz matične evidencije uposlenih (PIO/MIO), Lista osiguranih lica iz Poreske uprave-nadležne ispostave, Potvrde-uvjerenja izdata od strane poslodavca, Ugovori o djelu, Ugovori o poslovno tehničkoj saradnji, shodno tački 7.4.1 b)., kao i diplome/svjedočanstva o završenoj stručnoj spremi za 2 KV radnika ( 1 KV električar i 1 KV bravar).

Ponuđač "Neonlux" d.o.o. Vogošća nije dostavio ni jedan od traženih dokaza, tj. nije dostavio dokaze o radnom angažmanu kao ni diplome/svjedočanstva o završenoj stručnoj spremi za 2 KV radnika ( 1 KV električar i 1 KV bravar).

- Tačkom 8.1.4. TD, a u skladu sa članom 8. Uputstva za pripremu modela tenderske dokumentacije i ponuda ("Službeni glasnik BiH", broj: 90/14 i 20/15) propisano je da se ponuda izrađuje na način da čini cjelinu i mora biti napisana neizbrisivom tintom. Svi listovi ponude moraju biti čvrsto uvezani na način da se onemogući naknadno vađenje ili umetanje listova, osim garantnih dokumenata. Sve strane ponude moraju biti numerisane na način da je vidljiv redni broj stranice ili lista.

Ponuđač "Neonlux" d.o.o. Vogošća je dostavio ponudu koja nije čvrsto uvezana (čvrsto je uvezan samo Aneks 1-obrazac za ponudu i Aneks 2-obrazac za cijenu ponude), dok su svi ostali dostavljeni dokumenti neuvezani. Također, ponuđač "Neonlux" d.o.o. Vogošća je propustio da numerise stranice ponude, te je i na taj način postupio protivno zahtjevima ugovornog organa postavljenim TD, a propisanim odredbama Uputstva za pripremu modela tenderske dokumentacije i ponuda.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste Komisija za javne nabavke je utvrdila da ponuda ponuđača "Buljan ceste" d.o.o Kreševo ispunjava formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Buljan ceste" d.o.o Kreševo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Buljan ceste" d.o.o Kreševo, za pružanje usluge nabavke i postavljanja tabli sa kućnim brojevima i nazivima ulica, oglasnih ploča i tabli upozorenja na području općine Vogošća, sa ukupnom cijenom nabavke u iznosu od od 51.000,00 KM bez uračunatog PDV-a, odnosno 59.670,00 KM sa uračunatim PDV-om.

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Savico" d.o.o. Sarajevo
2. "Buljan ceste" d.o.o Kreševo
3. "Neonlux" d.o.o. Vogošća
4. Nadležnoj Službi
5. U dosije
6. a/a

033/423-510

030/800-042

033/481-801

OPĆINSKI NAČELNIK

EDIN SMAJIĆ